

# Aktivnost Stručnog udruženja

## 1. Sastanak Upravnog Odbora

Ovaj sastanak održan je 25. XI, 1960. g. u Beogradu. Sastanku je prisustvovalo 12 članova U. O., dok ih je 9 bilo odsutno.

Dnevni red sastanka bio je slijedeći:

1. Izvještaj Komisije o postignutim rezultatima proizvodnih ogleda u Poljani i Končanici,

2. Izvještaj o izvršenim pripremama za savjetovanje o problemima proizvodnje u šaranskim ribnjacima,

3. Dalji rad Udruženja u vezi sa novim zakonom o udruživanju i poslovnoj saradnji u privredi, i

4. Razno.

Izvještaj po tački 1. podnijela je, drugarica dr. ing. Ida Mihajlović. Nakon diskusije, u kojoj su ovi rezultati svestrano razmotreni, donijeti su slijedeći zaključci:

1. Rezultati, postignuti na postavljenim proizvodnim ogledima, su od nesumnjivog značaja i predstavljaju realnu osnovu, da se krene sa visokim prinosima na širokom frontu.

2. Na sastanku sekcije za ribnjačarstvo utvrditi na kojim će se površinama ići na visoke prinose odmah, bez prethodne rekonstrukcije.

3. Nastojati da se društvenim planom obezbjedi sredstva za rekonstrukciju sadašnjih kapaciteta, kako bi se na visoku proizvodnju prešlo na svim površinama.

4. Vršiti dalja ispitivanja u cilju postizanja visoke proizvodnje uz još veću ekonomičnost. Radi toga potrebno je odmah razraditi programe u tom pravcu, kako bi na vrijeme startovali za sredstva iz fonda.

5. Ovlašćuje se Izvršni odbor da iz raspoloživih sredstava izvrši nagrađivanje izvođača proizvodnih ogleda.

Po drugoj tački podnio je izvještaj sekretar Udruženja, ing. Stojadin Živojnov. Nakon diskusije zaključeno je:

1. Po pitanju raspodjele sredstava iz OIF za slatkovodno ribarstvo treba uputiti pismo poljoprivrednoj banci. Savezu poljoprivredno-šumarskih komora Jugoslavije i Sekretarijatu za poljoprivredu i šumarstvo SIV-a. Treba skrenuti pažnju kuda moraju ići ulaganja, kako bi zajednica postigla što više koristi.

2. Svi članovi upravnog odbora da se pripreme za predstojeće savjetovanje, koje će se održati 19. i 20. decembra t. g.

3. Prof. Ivo Tomašec i ing. Zlatko Livojević će napraviti plan obilaska ribnjaka i voditi prof. Schäperclausa kada bude došao. Kola radi prevoza na čitavom putu dati će «KORNATEXPORT», sa čime se saglašava direktor, koji prisustvuje sastanku.

Pod tačkom 3. razmotrena je situacija Udruženja i perspektive daljeg rada u slatkovodnom ribarstvu nakon reorganizacije, u skladu sa Zakonom o udruživanju i poslovnoj saradnji u privredi, pa je zaključeno:

1. Dasadanji rad Udruženja je pokazao pozitivne rezultate i obezbeđivao je puno učešće proizvođača

u rješavanju svih problema slatkovodnog ribarstva.

2. Obavezno treba pronaći u okviru postojećih propisa takovu organizacionu formu, koja će obezbjediti da se ovakvim radom nastavi.

3. Radi određivanja buduće forme rada sazvat će u februaru ili martu godišnju skupštinu Udruženja.

4. Pisma, upućena od strane komore, jednostrano posmatraju dosadanji rad i ne govore kako treba rad nastaviti u buduće. Radi unošenja više jasnoće po pitanju daljeg rada, ovlašćuju se predsjednik Upravnog odbora da povede diskusiju na nadležnim mjestima, kako bi se donijele što pravilnije odluke u skladu sa vođenom diskusijom.

Pod tačkom «Razno» tretiran je čitav niz pitanja, pa je na kraju zaključeno:

1. Kurs za radnike zaposlene u ribnjačarstvu (za kvalifikovane i visokokvalifikovane) održati na Stražilovu ili u Cortanovcima, a cjelokupnu organizaciju povjeriti Stanici za ribarstvo APV.

2. Kurs za radnike zaposlene u salmonidnom ribarstvu (za kvalifikovane i visokokvalifikovane) održati u Jajcu, a cjelokupnu organizaciju prima na sebe Institut za ribarstvo BiH.

3. Zadužene ustanove za organizaciju kurseva najhitnije da dostave programe sa predračunom, kako bi se angažovala sredstva. Odmah pošto se Sekretarijat za poljoprivredu i šumarstvo složi sa podnijetim programom i predračunom biti će potrebno sredstva i opravdati, iako će se kursevi održati slijedeće godine. Sredstva iz fonda se mogu koristiti samo za honorare nastavnika i komisije za polaganje, zatim zakup prostorija i drugo što je u vezi sa izvođenjem nastave. Voditi računa, da predračun bude solidno obrađen i u skladu sa propisima, kako nam nebi davaoc sredstava odbio program zbog nemamjenskog trošenja sredstava.

4. Organizatori kurseva će voditi računa da se nakon kursa održe ispiti, na kojima će se polaznicima priznati kvalifikacija.

## 2. Sastanak Izvršnog odbora

Ovaj sastanak održan je 20. XII 1960., neposredno po završetku savjetovanja o visokim prinosima. Sastanku je prisustvovalo pet članova, dok su četvorica bila odsutna.

Dnevni red sastanka bio je:

1. Nagrađivanje izvođača proizvodnih ogleda,

2. Provođenje programa tehničke pomoći (ICA) — smanjenje sredstava,

3. Korištenje sredstava fonda za unapređenje poljoprivrede — utvrđivanje zadatka, koji će se financirati u 1961. g. i izrada programa,

4. Organizacija kursa za ribnjačare, i

5. Razno.

U prvoj tački dnevnog reda podijeljene su novčane nagrade pojedincima i kolektivima, koji su zaslužni za uspjehe u proizvodnim ogledima u Poljani i Končanici.

Po drugoj tački zaključeno je slijedeće:

1. Kod ribnjačarskog programa skratiti boravak experta i smanjiti boravak naših stipendista u Izra-



elu na 3—4 mjeseca s tim, da se poveća broj stipendista.

2. Kod otvorenih voda skratiti boravak experta, a također i boravak stipendista, ako je potrebno.

3. Studijska putovanja ne skraćivati, niti smanjivati broj učesnika.

Pod tačkom 3. zaključeno je da se financiraju slijedeće teme:

1. Obezbjediti sredstva za započete oglede na otvorenim vodama, a koji su programom predviđeni i za 1961. godinu.

2. U ribnjačarstvu nastaviti oglede za visoke prinose putem racionalne ishrane i đubrenja.

3. Proizvodnja kvalitetnog mlada.

4. Dalja istraživanja u vezi sa problemom bolesti u šaranskim ribnjacima s tim, da se akcija na suzbijanju ZVBS ne finansira na širokom frontu.

5. Uzgoj konzumne pastrve i iznalaženje ekonomičnih hraniva.

O organizaciji kurseva (tač. 4) donijeti su slijedeći zaključci:

1. Direktor Stanice za ribarstvo APV, kojoj je povjereno organizovanje kursa, mora direktno da ima uvida u cjelokupnu organizaciju.

2. Podpredsjednik Udruženja, drug Brana Radonić, će voditi računa kako se izvršavaju svi zadaci, kako bi kurs što bolje uspio.

3. Za predavače se određuju slijedeći drugovi: Ing. Djenadić, Mihajlo Ristić, Belosavić ing. Steva, Livojević ing. Zlatko, Mihajlović dr. Ida, Bojčić ing. Cvetan, Pujin Vlasta. Stanica za ribarstvo APV, podijelit će materiju i odrediti terminski kada koji predavač predaje.

Pod »Razno« pretresen je čitav niz pitanja i razmotren uspjeh Savjetovanja o problemima proizvodnje u šaranskim ribnjacima.

Ing. Z. L.

## »RIBNJAČARSTVO POLJANA«

### PAKRAČKA POLJANA

Zeljeznička stanica: POLJANA

Pošta: PAKRAČKA POLJANA

Telefoni: KANIŠKA IVA 1 i PAKRAČKA POLJANA 9

#### VRŠI UZGOJ I PRODAJU

TOVLJENIH ŠARANA, SOMOVA I LINJAKA — RIBU OTPREMA U VLASTITIM SPECIJALNIM VAGONIMA U ŽIVOM STANJU U TUZEMSTVO I INOZEMSTVO

## *Ribnjačarstvo* »KONČANICA«

Zelj. stanica: KONČANICA

Telefon broj 1

Pošta: VELIKI ZDENCI

Tekući račun kod Narodne banke Daruvar broj 450-T-124

#### VRŠI UZGOJ I PRODAJU

TOVLJENIH ŠARANA, SOMOVA, SMUĐEVA I LINJAKA — RIBU OTPREMA U VLASTITIM SPECIJALNIM VAGONIMA U ŽIVOM STANJU U TUZEMSTVO I INOZEMSTVO